

Headline	Bioteknologi untuk pasaran produk, mampu tingkatkan ekonomi negara		
MediaTitle	Sinar Harian (Pahang)		
Date	29 Nov 2014	Color	Black/white
Section	NEWS	Circulation	20,000
Page No	47	Readership	60,000
Language	Malay	ArticleSize	101 cm <sup>2</sup>
Journalist	N/A	AdValue	RM 356
Frequency	Daily	PR Value	RM 1,067



## Bioteknologi untuk pasaran produk, mampu tingkatkan ekonomi negara

**MARAN** - Institut Penyelidikan Perhutanan Malaysia (FRIM) di Ulu Luit antara pusat penyelidikan produk bioteknologi di negeri ini selain Universiti Malaysia Pahang (UMP) dan TPM Biotech Sdn Bhd di Raub.

Adun Luit, Nurhidayah Mohamad Shahaimi berkata, pusat penyelidikan itu penting memandangkan Pahang merupakan negeri yang kaya dengan sumber biodiversiti.

Menurutnya, bagi sumber yang semakin pupus, ia akan tanam dan komersialkan semula.

"Pengusaha produk herba di negeri ini boleh ke pusat penyelidikan bioteknologi yang disediakan untuk membuat kajian seterusnya mengkomersialkan produk mereka.

"Ia langkah baik sebagai sumber ekonomi dan landasan menembusi pasaran tempatan

serta luar negara.

"FRIM turut menawarkan khidmat membaik pulih kawasan bekas tanah lombong dengan menanam pokok yang akan menghijaukan kembali kawasan itu seterusnya ia akan diserahkan kembali kepada kerajaan negeri," katanya.

Nurhidayah berkata, kerajaan negeri memberi tumpuan ke arah membangunkan bidang bioteknologi secara berskala besar bagi menggalakkan budaya inovasi yang merupakan cabaran baru dalam dunia yang semakin berkembang maju.

Menurutnya, selaras dengan usaha tersebut, kerajaan mewujudkan pusat penyelidikan yang bertujuan menyelidik, memulihkan serta mengkomersialkan produk bioteknologi.